

ACTA

En Arzúa, a 7 de xullo de 2017.

Sendo as 10.10 horas, na nave destinada a mantemento, dentro do recinto da feira de gando, reúnen os membros integrantes da Comisión Seleccionadora, que cualificará **o exercicio de carácter práctico** do proceso de selección, polo sistema de oposición, convocado para poder seleccionar á persoa que será contratada para desempeñar o posto de traballo de **Operario de servizos varios**, na modalidade de **contrato de interinidade**, a tempo completo, cunha xornada laboral de trinta e sete horas e media, por un período de duración que comprenderá ata que se cubra a praza de operario de servizos varios que se atopa vacante na plantilla de persoal laboral deste Concello, para realizar as funcións previstas na Relación de Postos de Traballo, que se indican na Base Primeira das que rixen a oposición; cuxas Bases foron aprobadas por acordo da Xunta de Goberno Local, adoptado na sesión celebrada o día 8 de maio de 2017.

Asisten a este acto os seguintes integrantes da Comisión Seleccionadora:

- Presidente: D. Luís Fole Barrio (*arquitecto técnico do Concello de Arzúa*).
- Vogais:
 - D. Ramón Vereá Castelo (*encargado do servizo de mantemento do Concello de Arzúa*).
 - D. Jesús Rúa Taboada (*conductor e operario de servizos varios do Concello de Arzúa*).
- Secretario: Juan Colmenares López-Soldado (*secretario do Concello de Arzúa*).

E visto que existe o quórum suficiente para a válida constitución da Comisión Seleccionadora, --de conformidade co disposto no artigo 17 nº 2, da Lei 40/2015 de 1 de outubro, de Réxime Xurídico do Sector Público-, o presidente procedeu a declarar constituída dita Comisión, co obxecto de levar a cabo a realización do segundo exercicio dos dous de que consta a oposición, cuxo exercicio consistirá en realizar un suposto práctico, relacionado coas funcións propias do posto de traballo.

Para o cal, con anterioridade ao comezo deste exercicio, polo presidente e polos vogais da Comisión Seleccionadora, decidiuse que o exercicio práctico -previsto para o día de hoxe- tivera dúas partes diferenciadas:

1) Unha, consistente en cambiar a cadea dunha motoserra, nun tempo máximo de 5 minutos; valorando:

A) Nun máximo de 2 puntos.- O cambio correcto da cadea.

B) Nun máximo de 3 puntos.- Aquel aspirante que realice o cambio da cadea no menor tempo. (De maneira que o resto de aspirantes serían valorados de forma proporcional).

2) Outra, consistente en cambiar o fío dunha desbrozadora, nun tempo máximo de 5 minutos; valorando:

A) Nun máximo de 2 puntos.- O cambio correcto do fío.

B) Nun máximo de 3 puntos.- Aquel aspirante que realice o cambio de fío no menor tempo. (De maneira que o resto de aspirantes serían valorados de forma proporcional).

Tendo considerado que ambas tarefas se realizasen sobre unha mesa, que se colocou para elo dentro da nave, en cuxa mesa se deixaron tanto a motoserra con dúas cadeas de diferente tamaño, nas súas correspondentes caixas, como o cabezal da desbrozadora que deberá ser desmontado, coa idea de sacar o fío e volvelo a poñer correctamente.

Concretado o cal, procedeuse a chamar -dende as 10,20 horas ata as 11,30 horas- aos cinco aspirantes que compareceron a realizar este exercicio práctico, seguindo para elo a mesma orde que o da presentación das súas solicitudes no Rexistro Xeral do Concello.

E así, a cada un dos cinco aspirantes, tan pronto compareceron ante a Comisión Seleccionadora, xunto á mesa indicada, foiselles indicando como terían que realizar este exercicio práctico; facéndolles saber tamén -tal como se indica na Base Undécima das que rexen o proceso de selección- que quedarían eliminados aqueles aspirantes que non alcanzasen unha puntuación total de 5 puntos (sobre 10 posibles) na valoración deste exercicio.

Faise constar que, a Comisión Seleccionadora foi valorando os exercicios que sucesivamente se foron realizando; outorgando aos cinco aspirantes as seguintes puntuacións:

Nº de rexistro	Aspirante	Proba Práctica	TOTAL
1647	Javier Valiño López	1ª parte A)=2, B)= 3 2ª parte A)=2, B)= 3	10 puntos
1684	José Ignacio Vázquez Villares	1ª parte A) = 0, B)= 0 2ª parte A) = 2, B)= 1,61	3,61 puntos
1710	Juan José Paz Quinteiro	1ª parte A) = 2, B)= 0.65 2ª parte A) = 2, B) = 0.90	5,55 puntos
1750	José Luis Ramos Ferreiro	1ª parte A) = 2, B) = 0.72 2ª parte A) = 2, B) =0.94	5,66 puntos
1766	Diego Gómez Naveiras	1ª parte A) = 2, B) = 0.43 2ª parte A) = 0, B) = 0	2,43 puntos

En consecuencia con todo o exposto, a Comisión Seleccionadora -por unanimidade dos catro membros asistentes- adoptou os seguintes acordos:

Primeiro.- Ratificar as puntuacións que quedaron indicadas para cada un dos cinco aspirantes presentados, e publicar no Taboleiro de Edictos da Casa Consistorial unha copia da acta extendida desta reunión, para que os interesados poidan coñecer cáles foron as puntuacións obtidas neste segundo exercicio, de carácter práctico, da oposición.

Segundo.- Facer saber aos dous aspirantes que non obtiveron unha puntuación mínima de 5 puntos, sobre 10 posibles, (José Ignacio Vázquez Villares e Diego Gómez Naveiras), que quedaban eliminados deste proceso de selección, por canto que así se establece na Base Undécima.

Terceiro.- Facer saber aos aspirantes Juan José Paz Quinteiro e José Luís Ramos Ferreiro, que si superaron o exercicio de carácter práctico realizado no día de hoxe, que -ao acreditar que estaban en posesión do Celga 2 ou equivalente- estarían exentos de realizar a proba sobre coñecemento do idioma galego; obtendo en dito exercicio a puntuación máxima de 2,50 puntos, cada un deles, por así vir indicado na mesma Base Undécima.

Cuarto.- Convocar ao aspirante Javier Valiño López que, tamén superou o exercicio de carácter práctico, pero que non acreditou que estivera en posesión do Celga 2 ou equivalente, para que compareza a realizar o exercicio sobre coñecemento do idioma galego, ás 13 horas do día de hoxe.

Facéndose constar que esta posibilidade se lle plantexou a dito aspirante ao comezo do exercicio práctico; manifestando que estaba dacordo en realizar a citada proba no día de hoxe, sen que houbera que esperar a que transcurrise o período legal que debe observarse entre cada exercicio.

Quinto.- Concretar que a puntuación final, obtida por cada aspirante neste proceso de selección, virá determinada pola suma das puntuacións alcanzadas no exercicio teórico, no exercicio práctico e no exercicio sobre coñecemento do idioma galego.

O cal se recollerá na acta que se extenda da reunión na que se realice o exercicio de galego polo aspirante Sr. Valiño López; a efectos de poder propoñer ao alcalde a contratación do aspirante que tivera obtido a mair puntuación.

Co cal se dá por rematado o acto, ás 11,40 h. do indicado día; estendéndose a presente acta, para ser asinada polos membros da Comisión Seleccionadora; de todo o cal dou fe.